

FELA GO TLOGA

KWA TSHIMOLOGONG

GO NE GO SA NNA JALO

♪ Dumelang, ditsala. Ke itumeletse go boa bosigong jono mo tirelong ya Morena Modimo. Mme re tshepa ditshegofatso tsa Gagwe mo ditirelong bosigong jono.

² Ne ke ipeletse go bona, bosigong jono, Mokaulengwe Robert Daugherty morago ko kamoreng kwa. Gone ke... E ne e le Mokaulengwe Daugherty yo neng a rotloetsa letsholo la me la ntla. Mme ke gakologelwa ke ya kwa go ena. Go santse go na le batho bangwe ba ba dutsegan fano ba ba nthusitseng go goroga ka koo. Mme Mokaulengwe Creech fano, ke a akanya, ke mongwe wa bone. Diponatshegelo di ne di fetsa go simolola go diragala, mme Moengele wa Morena o ne a fetsa go kopana le nna golo fano fa Green's Mill, ne a mpolelela se se neng se tlaa diragala. Mme go ne go se ka boutsana dibeke di le pedi go fitlhela a ne a mpiletsa gore ke tle ka kwano ko St. Louis. Mosetsana wa gagwe o ne a na le mohuta mongwe wa mmi... jaaka Saint Vitus' dance.

³ Mme re ne ra ya koo ra bo re rapela, mme ra dira mehuta yotlhe ya maikano, mme go ne go lebega okare go ne go sena sepe se fela se neng se tlaa diragala. Ke ne fela ke ile go nna (Ka gore, ke ne ke se na matsholo pele ga seo.) go fitlhela fela go ne go wetse, go fitlhela ke ne ke itsitse se Morena a neng a tlaa se dira.

⁴ Lo a itse, Mokaulengwe Robert, ke a dumela go nnile go le botoka fa ke ka bo ke go tshotse ka tsela eo. Jaaka go akanngwa, go ne motlhaope go ka bo go ne go sa nna le ba le bantsi jaana ba ba ka bong ba pholositswe. Fela, go nna fela le tiragalo e le nngwe go fitlhela go fetile, go fitlhela o itse.

⁵ Mme letsatsi le le latelang, ke a fopholetsa, e ne e le go ka nna nako ya bobedi kgotsa ya boraro mo tshokologong, kgotsa letsatsi lone leo, ga ke gakologelwe jaanong. Mme ke ne ke ntse mo koloing, kwa ntle ga ntlo ya moruti. Mme rraagwe o ne a le teng. Mme ke ne ke le nosi. Ke ne ka utlwa Mowa wa Morena o tla, mme ke ne ka ya ko ntle ga ntlo ya moruti ka bo ke nna ko ntle koo. Mme Betty yo monnye o ne a le fela jaaka motho yo o senaga, a goeletsa fela. Mme dingaka di ne di sa kgone go mo direla sepe. Mme mma le ntate, boobabedi, ba ne ba lebega ba le maswe thata. Ba ne ba dutse, malatsi le dibeke, le ena. Mme foo ponatshegelo e ne ya tla, fela pele ga koloi, fa pele ga koloi. Mme ke ne ka bona ponatshegelo, mme ka tabogela mo teng ka bo ke

bolelela Mokaulengwe Robert le bone fela se ba tshwanetseng go se dira. Mosetsana o ne a tlaa siama.

⁶ Ke gopola o rile mosetsana o tlaa bo a le fano bosigo jwa kamoso, a ga o a dira, Mokaulengwe Robert, go supa? Jalo he jaanong fa... Moo go nnile go le dingwaga dingwe di le lesome le bonê tse di fetileng, ke a fopholetsa, dingwaga di le lesome le bobedi, lesome le bonê tse di fetileng. [Mokaulengwe Robert Daugherty a re, "Ke lesome le boraro, ke a dumela."—Mor.] Dingwaga di le lesome le boraro tse di fetileng. Mme ene ke mothepa yo o itekanetseng, yo o lebegang a siame thata. O tlaa bo a le fano bosigong jwa kamoso, Morena fa a ratile.

⁷ Phodiso ya Semodimo e nna teng go fitlhela fela nako e tumelo e tswelelang e le teng, go jalo, fela nako fela e tumelo e tswelelang e le teng.

⁸ Mme ke a dumela ke bona Mokaulengwe Fred Sothmann, le ditsala tsa me go tswa Canada ba dutse morago teng fano, le bone. Ke itumeletse go le bona lotlhe mo teng bosigong jono. Le ditsala di le dintsi tse dingwe fano. Ke eletsa nka bo ke na le nako ya go lemoga mongwe le mongwe wa lona. Ke a fopholetsa ga nkake ka dira, go tswa gone fano, fela ke batla lo itse gore go tlhomame re a lo amogela. Mokaulengwe Boyd fano, ke a dumela ke a mo gakologelwa. Mme e leng mokaulengwe wa mo Mennonite. Jalo he re ne re itumeletse go nna le lona fano mo nakong e nnye ena ya kabalano fa tikologong ya Lefoko. Mme jaanong, ka moso kitsi...

⁹ Re batla go itsise sena, le sone, gore, dibuka tsa sesheng. Jaanong ga re fano...

¹⁰ Ga ke kgone go akanya ka ga mokaulengwe yona yo o dutsgeng, mokaulengwe wa mo Mennonite gaufi le ene. Ga ke kgone...[Mokaulengwe a re, "Harson."—Mor.] Harson. Eya.

¹¹ Di—dibuka di kwa morago, fa lomating kwa morago koo. Tsone ke tsa sesheng tsa melaetsa. Ga di ise di ko di bo di nne mo matsholong ka nako e. Di kwa morago koo le ditheipi, tsa sesheng tsa melaetsa le jalo jalo. Mme basimane ba ne ba dira gore di gatisiwe, mme tsone di bonwa motsheo ga kago jaaka lo tswela ntle bosigong jono. Mme ke akanya gore...

¹² Mo mosong, ke akanya gore dipotsolotso di simolola go ka nna nako ya ferabobedi kgotsa ya masome a mararo morago ferabobedi, mo mosong. Mme, ija! Ke ne ka mmolelela go dira dipotsolotso a direle bao ba ba neng ba batla go mpona kwa sephiring ka dikgang tsa semowa. Ija, ke ne ke sa lemoge gore motlaagana o monnye fano o tlaa... o ne o tlaa nna ka tsela eo. Fela one ka tlhomamo o ne wa nna mosuke. Ija! Jalo he, sentle, go molemo. Morena nako tse dingwe o amogela ditshegofatso mo go seo se re lekang go se dira, go dira sengwe go thusa bakaulengwe le bokgaitsadi re le mo tseleng.

¹³ Jaanong re a leka, bosigo bongwe le bongwe, go batla sengwe se ke se senkang. Mme moo ke, gore, Modimo ka ponatshegelo o mpoleletse gore bodiredi jwa me bo dira phetogo ya jone ya boraro. Mme ke tlhologetswa gore gone go simologe fano fa motlaaganeng. Ga ke itse a kana go tlaa dira kgotsa nnyaya, fela ke tlhologetswa gore gone go dire seo. Mme ke tshepa gore go tlaa nna ka tsela nngwe e e tlaa... Ke tlaa kgoni go rera Efangedi ka tsela e e kalo, kgotsa ke dire sengwe se se tlaa thusang sika loo motho le le bogang go yeng tseleng e e itumedisang go feta ya botshelo, le tsela e e itekanetseng go feta ya botshelo. Ke keletso ya me e e tlhoafetseng. Jalo he go ka nna ga nna bosigong jono gore...

¹⁴ Ke ne ka botsa ngwetsi ya me ka ga dikarata tsa thapelo, mme ga a na dipe ka koo. Mme Billy ka gale o a di tshola. Le Gene le Leo ga ba na dipe. Jalo he re tlaa tshwanela fela go dirisa ditirelo ntleng ga seo, ke a gopola, bojotlhe jo re ka bo kgonang, fa re dira bosigong jono. Re tlaa bona ka fa go tlhagelelang ka gone.

¹⁵ Fong morago ga dikopano tsena, dikopano tsa me tse di latelang di tshwanetse go nna ko New Zealand, mme go tloge go nne gape ko Australia, le ko tlase go ralala dikarolo tseo tsa lefatshe.

¹⁶ Bosigong jono, ke tlhophile go bala Dikwalo dingwe go tswa mo Bukeng ya ga Moitshepi Mareko, kgaolo ya bo 7, fa lo eletsa go bula ko go yone, go nna tlhatlhanyo ya Molaetsa.

¹⁷ Mme pele ga re dira seo, mpe fela re obeng ditlhogo tsa rona motsotso fela mme re bueng Nae.

¹⁸ Morena, re a Go leboga, bosigong jono, ka ntlha ya tshiamelo ya go kopana ga mmogo, gangwe gape. Wena o nnile o le molemo thata mo go rona go ralala motlha ono. O re tlametse ka botshelo le nonofo gore re nnile le tshono ya go tla gape mo tirelong ya Gago le go Go obamela.

¹⁹ Mme re lebogela lefatshe la rona, gore go santse go na le tshono le mojako o o bulegileng, gore banna le basadi ba kgone go obamela Modimo go ya ka fa ditaolong tsa segakolodi se e leng sa bone. A go nne go le go lee, Morena. Fela re a bona, go ya ka seporofeto sa Baebele, gore segautshwaneng mejako ena e tlaa tswala, lefatsheng ka bophara. Jalo he a rona, bosigong jono, re amogeleng bomolemo jwa Modimo le ditshegofatso, le Lesedi lotlhe le re ka le kgonang, mo Dikwalong, Morena, gore re tle re itlhawatlhwaeletse oura eo fa e tla, gore mo go bolokilweng ka mo meweng ya rona ya botho e tlaa nna Mowa o o Boitshepo, Yo o tlaa kgonang go rarabollela mo menaganong ya rona dilo tsena.

²⁰ Re tlaa kopa bogolo segolo, bosigong jono, le gone, Morena, re direla bao ba ba lwalang, ba ba tlhokang, le ba ba bogang. Thata ya Gago e kgolo ya phodiso le boutlwelo botlhoko di tlaa itshetlela mo go mongwe le mongwe wa bona. Segofatsa Lefoko

la Gago go ya kwa pele, Morena, mme re tlaa Go baka. Ka Leina la Jesu, re a go kopa. Amen.

²¹ Mo go Moitshepi Mareko, kgaolo ya bo 7, re bala ditemana di le mmalwa jaana.

Fong ga phuthegela ko go ene Bafarisai, le bangwe ba bakwadi, ba ba neng ba tswa kwa Jerusalema.

Mme erile ba ne ba bona bangwe ba barutwa ba gagwe ba ja senkgwe ka diatla tse di kgotlelegileng, moo ke go re, ka diatla tse di sa tlhapiwang, ba ne ba bona phoso.

Gonne Bafarasai, le Bajuta botlhe, ntleng le gore ba tlhape diatla tsa bona kgapetsakgapetsa, ga ba je—ga ba je, ba tshegetsa ngwao ya bone ya bagolwane.

Mme fa ba ne ba tswetse kong go tswa mmarakeng, ntleng le gore ba tlhape, ga ba je. Le dilo tse dingwe tse dintsi di teng, tse ba di amogetseng ebile ba di tshegeditse, jaaka . . . go tlhatswiwa ga dinwelo, le dipitsa, le dipane le dijana, le ga ditafole.

Fong Bafarasai le bakwadi ba ne ba mmotsa, Goreng barutwa ba gago ba sa itshole ka fa dingwaong tsa bagolwane, fela ba ja senkgwe ka diatla tse di sa tlhapiwang?

O ne a ba araba mme a ba raya a re, Jesaya o ne a porofeta sentle ka baitimokanyi ke lona, jaaka go kwadilwe, Batho bana ba ntlota ka dipounama tsa bone, fela dipelo tsa bone di kgakala le nna.

Le fa go ntse jalo ba nkobamelela lefela, ka ba ruta go nna thuto ditaelo tsa batho.

Gonne lo latlhelang ditaelo tsa Modimo kwa thoko, lo tshegetsa ngwao ya batho, jaaka go tlhatswiwa ga dipitsa le ga dinwelo: mme tse dingwe tse dintsi jaaka dilo tsena lo a di dira.

Mme o ne a ba raya a re, Ba ba tletseng . . . lo gana dita tsa Modimo, gore lo tle lo tshegetse dingwao tse e leng tsa lona.

²² Mme mo Bukeng ya ga Moitshepi Matheo, kgaolo ya bo 19 le temana ya bo 8, le logato lwa bofelo lwa temana eo ya bo 8, Ke eletsa go bala go nna temana. Mme mona ke ka fa e balegang ka gone:

. . . fela go tswa kwa tshimologong go ne go sa nna jalo.

Mme Morena a segofatse palo jaanong ya Mafoko a Gagwe.

²³ Erile Morena wa rona a ne a le fano mo lefatsheng, O ne a kopana, mo metlheng ya bodiredi jwa Gagwe, batho ba ba neng ba tshegetsa ngwao ya bone ya batho, ebile ba ne ba ruta dilo tse di neng di le kganetsanong le ditaolo tsa Modimo.

²⁴ Ke a ipotsa, bosigong jono, fa A ne a tshwanetse go tla gape bosigong jono, mo go bonalang, fa A ne a sa tle go bona fela go batlile go le seemo se se tshwanang. Ka fa e leng gore ba ne ba tshegetsa dingwao tseo mo go boitshepo thata, morago ga ba sena go amogela ditaelo tsa Morena, fela se ba tshwanetseng go se dira! Batho ga ba kake ba kgotsofadiwa ke se Modimo a reng se direng; ba tshwanetse ba itirelenyana gannye mo go leng ka ga gone.

²⁵ Mme fa motho a nna le sengwe, ena o sokamisa maikaelelo a konokono. Mme go dira sengwe le sengwe se se sokameng go farologane le sa ko tshimologong.

²⁶ Jaaka, tshiamololo, tshiamololo ga se sepe se se fetang tshiamo e sokamisitswe, se monagano o o sokamisitsweng wa motho o se fetolakang.

²⁷ Modimo o dirile motho gore a tshele mongwe le yo mongwe ka boitumelo. Tshokamo e a ba fetola e bila e ba dira gore ba nne baba mongwe go yo mongwe. Motho o re dira baba mongwe go yo mongwe, fa Modimo a re dirile bakaulengwe mongwe go yo mongwe.

²⁸ Motho ne a dira gore batho ba nne ba maitsholo a a sa lettelesegeng. Modimo ne a dira motho gore a tshele ka go tshepafala ko mosading wa gagwe. Fela motho o a tla a bo a sokamisa seo a bo a se somakise, mme ena ga a kgotsofatswe ke mosadi yo e leng wa gagwe, fela a batle go tshela le basadi botlhe ba bangwe.

²⁹ Modimo o re neile metsi a a molemo, a a itshekileng go a nwa. Motho o tshwanetse a tswakanye bojalwa kgotsa sengwe se sele, le one, pele ga a bo nwa. Ke go sokamisa, go tloga mo go sa kwa tshimologong ga mmatota ga gone.

³⁰ Mme ka go dira jalo, re fitlhela gore mo kerekeng, dilo tsena di diragetse, ka gore, motho o ne a simolola go itshunya ka mo dilong tsa Modimo, mme ena o tlhama kakanyo ya gagwe ya se Le se rayang. Ga a Le tseye fela ka tsela e Le kwadilweng ka yone, fela o dira gore kakanyo e e leng ya gagwe e tswakanngwe mo go Lone. Mme fong, ka seo, o dira ngwao, mme o ruta seo. Mme Jesu ne a re, fa A ne a le mo lefatsheng mme a fitlhela mo go jalo, O ne a re, "Lo Nkobamelela lefela." Jaanong go na le, ka ntlha eo, kgonagalo, mme go jalo, gore go ka nna le kobamelo ya popota ya Modimo, e e phoso. "Ba Nkobamelela lefela, ba ruta ditao tsa batho go nna Thuto."

³¹ Jaanong mo palong ya rona ya Lekwalo bosigong jono, fa lo tlaa tswelela lo buise, lo tla fitlhela moo kwa Modimo a rileng, "Tlotla rraago le mmaago; mme fa motho a tlontlolola rraagwe kgotsa mmaagwe, a ena a swe loso." Fela O ne a re, "Mo dingwaong tsa lona, lo dirile ditaelo tsa Modimo gore di se nne le mosola ope, mme lwa re, 'Fa go ntse jalo, fa motho a

tlontlolola rraagwe kgotsa mmaagwe, gore gone ke neo, mme ena o tlaa tsamaya fela a gololesegile.”

³² Lo bona ka fa motho a dirang gore dilo di kgopame? Fela ba rata go obamela, mme ba akanya gore ba obamela ka go nepagala, fa ba obamela ka go fosa. Mme ke a tlhomamissa, morago ga go se nneng teng ga ga Keresete, ka dingwaga di le dikete tse pedi, sengwe se nnile phoso golo gongwe, ka gore re nna le megopol e mentsi thata.

³³ Mme, bosigong jono, go na le go batlile go le makoko a a farologaneng a le makgolo a ferabongwe a dikereke mo lefatsheng, moo ke makoko a Bakeresete, megopol e e farologaneng. Mme lengwe le lengwe ka nosi le tshotse ngwao ya bone. Ao, ka fa ba ratang go bua gore, “Ngwao ya me e siame.” Mme fong nako e . . . Kereke e le nngwe e tlaa go tlhalosa ka tsela e e jalo, mme e re, sentle, e go dire fela gore go nne mo go itekanetseng, gore kereke eo e nepafetse. Mme re raletse seo mo masigong a le mmalwa a a fetileng fano, ka ga gore goreng rona re se lekoko. Mme fa lekoko le simolola, le simololwa mo thaegong ya mongwe a amogela tshenolo ya sengwe, mo go ka nnang ga bo gothelele go siame, fela o dira lekoko go tswa mo go gone mme foo ga a kgone go tswelela pele gope.

³⁴ Fela Modimo o batla re nne re gololesegile. O batla gore re nne le lefelo kwa e leng gore fa A re naya Lesedi lengwe, re ka amogela Leo, mme re nne le Lesedi le lengwe go feta, le Lesedi le lengwe go feta, mme re tswelele fela re tswelela. Ke sone se re ratang go nna re gololesegile, gore re kgone fela go rera Baebele, tsela e E kwadilweng ka yone, mme re E dumele ka tsela eo fela.

³⁵ Mme, gompieno, re tsene ka mo dingwaong. Jaanong, mo temaneng ya rona re fitlhela, bosigong jono, gore ba ne ba re, “A go a lettelesega gore rona re tlhalele mosadi wa rona mabaka ape?” Sentle, go batlile go le ka tsela eo gompieno. Fa bona fela ba sa batle go tshela le mosadi, kgotsa monna wa bona, ba fitlhela fela lebaka lengwe ba bo ba mo tlhala. Moreri mongwe o tla mo tiragalong, kgotsa makaseterata, a mo nyadise ko go yo mongwe. Lo a bona, ke ngwao.

“Sentle,” ba re, “kereke ya rona e go dumela ka tsela ena.”

³⁶ Sentle, ga go dire pharologanyo e ntsi thata mo go se kereke ya rona e se buang. Ke se Baebele e se buang ka ga gone, se se dirang pharologanyo. Modimo o tshwanetse a bo a le Lefoko la bofelo mo tshwetsong nngwe le nngwe e re e dirang.

³⁷ Malatsi a le mmalwa a a fetileng, ke ne ka sekisiwa ko kgotla tshekelong, kgotsa ke ne ke ile go nna jalo. Mme ba ne ba nnaya dipotsa dingwe tse di thata. Mme ba ne ba re, “Goreng o ne wa fetisa madi a matsholo ka kereke ya gago, e le letlole?”

³⁸ “Sentle,” ke ne ka re, “e ne e le ka gore ke ne ka bolelelwka ke mokgethisi wa Internal Revenue gore ke tshwanetse ke go dire ka tsela eo, ka gore e ne e le letlole.” Mme go ne ga tswelela go

tswelela. Mme o ne a re, “Monna yona ga a a ka a go bolelela boammaaruri.”

³⁹ Ke ne ka re, “Sentle, o ne a emetse goromente. Fa ke romela motsamaisi wa letsholo mo motsemogolong go nkemela, masigo a le matlhano foo mo letsholong, mme ena a nkemela masigo a ferabobedi, ke tlamegile mo masigong a ferabobedi, ka gore moemedi o ne a re masigo a ferabobedi. Mme goromente e tshwanetse eeme le se baemedi ba bone ba se buang.”

⁴⁰ Fong o ne a re, “Sentle, mo . . . monna yoo ga a sa tlhole a na le goromente.”

⁴¹ Ke ne ka re, “Mme letsatsi lengwe ga o tle go tlhola o nna le goromente. Mme bao ba ba kwadileng molao motheo ga ba sa tlhole ba na le bona. Ke a ipotsa fa moo go santse go tshwareletse.” Lo a bona, ba leka go batla seipato, fela mo boemong jwa go tshepafala fela le go ema le thaego.

⁴² Eo ke tsela e batho ba nnang ka yone gompieno mo metsamaong yotlhe ya botshelo. Eo ke tsela e dikereke di nnang ka yone; kereke ena, dikereke tse dingwe. Mo boemong jwa go tswela ntle mme re lebagane le dintlha tse di tlhomameng tsa se Modimo a se buileng, re leka go batla sepato go itshiamisa. Mme ga se mo go itumedisang ko Modimong. Mme mongwe o ne a simolola seo, mme re ipotsa fela se e leng boammaaruri ka nako eo.

⁴³ Ke ne ka kopa kgwetlho, malatsi a le mmalwa a a fetileng, ko monneng yo neng a eme mme a boeletsa Tumelo ya Baapostolo ya kereke, e go tweng jalo. “Ke dumela mo go Modimo Mothatiotlhe, Modimo Rara, le Motlhodi wa magodimo le lefatshe,” le jalo jalo, “mme ke dumela mo puisanong ya baitshepi.”

⁴⁴ Jaanong, motho ga a kake ka tshiamo, go tswa mo pelong ya gagwe, a bua tumelo eo ya kereke mme a siame le Modimo, mme a itse Baebele. Sengwe le sengwe se se buisanang le baitshepi ke go bua le mewa ya baswi, sengwe le sengwe se se buisanang le baswi.

⁴⁵ Mme monna yona ne a retologela morago a bo a re, “Sentle, o buisana le eng?”

Ke ne ka re, “Jesu Keresete.”

O ne a re, “Sentle, O sule.”

⁴⁶ “Fela,” ke ne ka re, “O tsogile gape. Mme ga A a swa, fela O a tshela. Fela Marea, le baapostolo botlhe ba bangwe, le batho botlhe ba lo ithayang gore lo buisana nabo, ba sule ebile ba tsweletse pele. Mme Baebele ya re, ‘Ga go na motserganyi magareng ga Modimo le motho, fa e se Monna Keresete Jesu.’ Ke gone ka moo, ka ngwao ya motho, lo dirileng ditaolo tsa Modimo di se nne le mosola ope.”

⁴⁷ Mme re leka go itumedis Modimo ka go aga kereke e tona tona, ka go dira ditilo manobonobo, le ka go e dira gore e nne

ntle. Moo go siame. Ga go na dikganetso dipe mo go seo, fela seo fela ga se se Modimo a rileng se direng.

⁴⁸ Re leka go dira kereke ya rona e nne e e lemosegang thatanyana go feta kereke e nngwe, ka go nna le modisa phuthego yo o rutegileng go gaisa thata yo re ka mo tsenyang mo felong ga rona ga therelo, yo o kgonang go bua mafoko a gagwe jalo ka puo e e kalo ya setswerere mo puong. Moo go siame, fela moo go santse go se se Modimo a se buileng. Mme mo bontsing jwa dikereke, fa . . . Dikereke tsa rona gompieno, fa motho a sena maitemogelo a seminari, phuthego ga e tle go mo tlisa mo teng ka tsela epe. O tshwanetse a nne le thuto ya seminari. Fela seo ga se se Baebele e se buileng. Seo ga se se Jesu a se dirileng.

⁴⁹ Jesu ne a tsaya batho ba ba neng ebile ba sa itse bo ABC ba bone, mme a ba tlotsa ka Mowa o o Boitshepo. Letlhoko la Modimo e ne e se go tshwanela go amogela thuto, fela go amogela Mowa o o Boitshepo. Ga go motho ope yo o tshwanetseng go rera Efangedi go tsamaya a amogela Mowa o o Boitshepo. Lo a bona ka foo re tsereng ditaolo tsa motho ka teng? mme ra di sokamissa. Jesu wa Nasaretha, pele ga A ne a ka letla barutwa ba ye go rera, mo go Luka 24:49, O ne a re, “Bonang, Ke romela tsholofetsa ya ga Rrê mo go lona. Fela letang, tshwareleng fela motsotso, pele ga lo tsamaya. Lo sekä lwa tlola fa ke go bua. Fela,” O ne a re, “letang ko motsemogolong wa Jerusalema go fitlhela lo nonotshwa ka thata go tswa kwa Godimo. Fong lo tla nna basupi ba Me, gotlhe mo Jerusalema, le mo Judea, le ko Samaria, le ko dikarolong tse di kwa tennyanateng tsa lefatshe.”

⁵⁰ Fela, gompieno, re fetotse seo. Mme re go dirile gore re tshwanetse re ye ko sekolong, mme re nne le letlhoko la go nna le melao mengwe ya tiriso ya mafoko le saekholoji, le ditsela dingwe tse re itsholang ka tsona mo—mo felong ga therelo, le ka ga dingwao di le dintsí tse dinnye tse di farologaneng. Mme re ne re ka se kgone go nna ba ba letlholtlo. Mme re tloge re nne le thuto ya kereke, re ithute katekisima, se katekisima e se buang.

⁵¹ Ga o pholoswe ka go itse katekisima. Ga o bolokesege ka go ipataganya le kereke. Ga o pholoswe ka go itse Baebele. O pholositswe ka go itse Ena, Keresete. “Gonne go Mo itse ke Botshelo.”

⁵² Ke gone ka moo, re tsayang dingwao tsa batho, mme re dira ditaelo tsa Modimo di se nne le mosola ope. Diseminari tsa rona di dira seo. Dikereke tsa rona di batla seo. Dikereke tsa rona ga di tle go go batla fa e se batho ba ne ba go batla. Batho ba tshwanetse ba letlelele tiriso ya seo, kgotsa ba ka kgona fela go nnela kgakala le sone, mme ba rapele Modimo go ba tsosetsa mongwe. Ba a go dira. Batho ba a go dira. Ga ba go pateletse go dira seo.

⁵³ Mme fong mo metlheng eo, Bafarasai le Basadukai le ba bodumedi jwa motlha oo, ba ne ba dumela gore kereke e ba neye

pholoso. Le fa e ka nna eng se kereke e se buang, moo ke fela totatota tsela e go tshwanetseng go nne ka yone, gonne kereke e buile jalo.

⁵⁴ Sentle, go tshwana fela gompieno. Batho ba solofetse kereke go ba naya pholoso. Ga o bone pholoso ka kereke. O bona pholoso ka Keresete, eseng ka go itse tsamaiso nngwe ya kereke, kgotsa tumelo nngwe ya kereke, kgotsa popego nngwe ya kolobetso, kgotsa—kgotsa ditiro dingwe kgotsa maikutlo a a rileng, a o a ralalang. O a itse le go pholoswa ke Keresete, mme seo ke ka letlhogonolo. Ka tumelo o pholositswe, ka pitsa ya Mowa o o Boitshepo. Ke ka foo o Mo itseng ka teng.

⁵⁵ Fela ba ne ba na le gone mo metlheng eo, mme ba tlaa nna le gone go le kae go feta gompieno! Mme fong batho ba ne ba simolola go ipotsa, morago ga go sena go tsaya dioura go ralala sena, “Goreng re le mo seemong se re leng mo go sone?” Gone ke moo.

⁵⁶ Fa rakonteraka a ne a beile leano la gore banna ba gagwe ba age ntlo, ka tsela e e *jaana-le-jaana*, mme motho mongwe le mongwe o ne a tlhokomologa seelo, mme ba ne ba aga ntlo go ya ka tsela e ba neng ba gopotse gore motho mongwe le mongwe o tshwanetse a e age, ke mohuta wa ntlo e lebegang jaaka eng e e tlaa nnang yone? A lo akanya gore e tlaa amogelwa? Ka ntlha eo, fa moo go le jalo, motho a le mongwe o tlaa batla gore e agiwe ka tsela *ena*, mme yo mongwe ka tsela *ena*, mme motho mongwe le mongwe o tlaa ya a bo a aga go ya ka kakanyo e e leng ya gagwe. Tsela e le nosi e o ka bang wa aga ntlo sentle, ke go ya ka ditaelo tsa tiragatso.

⁵⁷ Mme tsela e le nosi e le ka nako epe re tlaa boelang ko go Modimo mme re tsenye Modimo mo gare ga rona, ke go boela mo motheong wa Baebele. Go tshwanetse fela go nne ka tsela eo. Jesu o ne a bua ka ga gone fa A ne a le fano mo lefatsheng, mme a re, “Goreng lo ikgatholosa kgotsa lo tila ditaolo tsa Modimo, mme lo di dira gore di se nne le thuso epe ka dingwao tsa lona?” Fela ba ne ba go dira. Mme ke mo go fetang go le kae mo ba go dirang gompieno!

⁵⁸ Jalo he leo ke lebaka le mohiri wa ntlo a sa tleng go tsena. Fa a ne a laetse ka tlhomamo mohuta mongwe wa ntlo e a batlang go nna mo go yone, mme a ne a neetse melawana eo le ditaela tse di tlhomameng, le gore e agiwe ka tsela eo, sentle, ne a tloga a di ba naya tsone, moagi o di neela ko go rakonteraka. Mme rakonteraka o di baya ko diforomaneng, le jalo jalo. Mme fa a ka boela mo ntlong ena, go tsena ka mo go yone, mme e ne e agilwe e sekegetse ka mo letlhakoreng le le lengwe, le ka fa tseleng nngwe le nngwe go ya ka mogopolo wa motho mongwe le mongwe, ena ga a tle go tsena mo teng.

⁵⁹ Mme fa Mowa o o Boitshepo o tla mo ntlong ya Modimo, ga O kake wa tsena mo teng fa e agilwe go ya ka kakanyothe ya motho.

Go tshwanetse go tle mo Baebeleng. Mme *Mona* e tshwanetse e nne Taelo ya tiragatso. Gonne go kwadilwe, “A lefoko la motho mongwe le mongwe e nne leaka, mme la Me e nne Boammaaruri.” Rotlhe re batla go akanya gore re na le Boammaaruri joo.

⁶⁰ Fela lo bala jang Dikwalo, ka phuthololo ya kwa sephiring? Lekwalo la re, gore, “Ga go na Lekwalo le le neilweng ka phuthololo ya kwa sephiring.” Le neilwe ke Mophutholodi a le mongwe, yoo ke Mowa o o Boitshepo Yo o Le kwadileng.

⁶¹ Go nkgopotsa ka ga polelo e ke ntseng ke e bala motshegareng ono. E ne e le botshelo jwa pele jwa Morena wa rona, fa A ne a tsaletswe ko Bethelehema mme a godiseditswe golo koo ko Judia. Mme fa dingwageng tsa lesome le bobedi, go ne go na le ngwa—ngwao nngwe e rileng e batho ba neng ba e tshegetsa, moo e ne e le moletlo. Ke akanya gore Moletlo wa Tlolaganyo. Mme batho ba Gagwe, Marea, Mmaagwe, le Josefa Rraagwe yo e seng ka madi, botlhe ba ne ba ya golo ko Jerusalema go tshegetsa ngwao e e rileng ena, go le fela ka fa molaong jaaka ba ne ba ka kgona. Mme erile ba santse ba le golo koo, ba ne ba tsena ka tsela e tona, ba bua le ba losika lwa bone le jalo jalo. Mme erile ba tloga, ba ne ba tsamaya loeto lwa letsatsi, mme fong ba ne ba simolola go batla Jesu mo tikologong. Mme ba ne ba Mo senka mo gare ga ba losika lwa bone le ba ba tlwaelanyeng nabo, mme ga ba a ka ba Mo fitlhela.

⁶² Ke a ipotsa fa moo go se fela ka tsela e kereke e leng ka yone jaanong. Fa ba tla mo lefelong kwa ba lemogang gore O ne a sena le bone. Ke a ipotsa fa go na le Methodisti, le Baptisti, le Mapentekoste, le fa e le eng se sengwe fano bosigong jono, yo a iseng a tle mo lefelong leo, kwa o lemogang gore Ena ga a na le wena. Go sa kgathalesege se o se dirileng. Go ka nna ga bo go nnile ditsela tse di rileng le dilo tse di rileng tse o di raletseng, fela le fa go ntse jalo o a itse, golo mo pelong ya gago, Ena ga a yo foo. Ke a ipotsa fa go se na moleofi, kgotsa mokgelogi yo o leng mo kagong bosigong jono, yo a lemogang tota gore Ena ga a na le wena, bosigong jono.

⁶³ Jaanong, tsweetswee lo sekä lwa dira jaaka Marea a dirile. Mme lona batho ba lo obamelang Marea, ga tweng ka ga seo? O ne a simolola go Mo senka. Mme o ne a ya ko go ba losika la gagwe le ba a tlwaelanyeng nabo, a akanya gore o tlaa Mo fitlhela foo.

⁶⁴ Mme eo ke tsela e ba dirang ka yone gompieno. Ba ya kwa kerekeng, go akanya gore gongwe ba ne ba kgona go Mmona foo. Mongwe o ne a tabogela ka kwa ko kerekeng ya Methodisti, mme ba tlaa batlisisa se ba se dumelang. Mme ba tlaa sianela ka ko kerekeng ya Baptisti, le ko kerekeng e le nngwe le e sele, ba senka mo gare ga dikereke. Mme fa gotlhe go kopanngwa go balwa, ba fitlhela segopa se segolo sa ditumelo tsa kereke, mme Keresete ga a yo foo.

⁶⁵ Mongwe wa banna ba bagolo go feta thata mo madirelong a dithuto tsa tumelo, a ke itseng ka ga one, ne a le ko ntlong ya me sešeng. Mme o ne a ema mo kamoreng. Mme ke ne ka akanya, “Ke eng se monna yo mogolo jaaka yona a tlaa se dirang, a tla go bona le go nketela?”

⁶⁶ O ne a re, “Ke batla fela go bua mafoko a le mmalwa, Mokaulengwe Branham, ko go wena.”

⁶⁷ Ke ne ka re, “Go siame, a o tlaa dula fatshe?” Mme o ne a dira. Mme ke ne ka re, “Ke ikutlwa ke le monnye thata, go bua le monna wa seriti sa gago.” Mme e ne e le Tautona ya Sudan Missions e kgolo, oo ke mokgatlho o mogolo o o tshegetsang motheo o o leng teng mo lefatsheng. Mme o ne a na le tsala nae, yo neng e le tsala ya khupamarama ya ga Hyman Appleman. E ne e le Rrê Reidhead, ke yo e neng e le ene, Ngaka Reidhead.

⁶⁸ Mme o ne a re, “Mokaulengwe Branham, fa ke ne ke le mosimanyana,” ne a re, “Ke ne ke le ko ntle mo tshimong letsatsi lengwe, ke lebeletse maru jaaka a ne a fofa a feta. Mme ke ne ka re, ‘Ao, a go na le Modimo golo gongwe kwa godimo ga moo?’” Ne a re, “Ke ne ka sianela mo teng ko go mmê. Mme ene, a leng mmê yo o molemo wa Mokesete, ne a ntsaya mo mabogong a gagwe mme a nthata, mme a simolola go mpolelela ka ga Jesu. Mme e ne e le Ena yo neng a mpitsa.” Mme ne a re, “Ene, a neng a ikanyega ko kerekeng ya gagwe, o ne a ntshimolodisa fa dingwageng tsa bosupa, gore ke ithute ka ga Jesu.” “Sentle,” ne a re, “ka seo mo pelong ya me, ke ne ka ya kwa sekolong sengwe le sengwe se ke neng ke itse ka foo nka yang kwa go sone.” Mme ne a re, “Kgabagare ke na le Garata ya me ya ntlha ya Botaki. Ke ne ka akanya, fa ke ne ke amogela garata ya me, gore ka nnete Keresete o ne a tlaa bo a eme gone foo.” Mme ne a re, “Fa Garata ya ntlha ya Botaki e ne e bewa mo go nna,” o ne a re, “Ga ke a ka ka... Mme ga go sepe se se neng se farologane.” O ne a re, “Fa ke ne ke bona digarata tsa garata ya me ya Bongaka, ke ne ka akanya gore O ne a tlaa bo a le foo.” Mme ne a re, “Go ne go sa farologana. Segopa fela sa banna ba ba neng ba tla gaufi mme ba bua dilo di le mmalwa, mme ba nnaya garata.” Mme o ne a re, “Mokaulengwe Branham, ke na le digarata tse di lekaneng go matega lomota lwa gago. Fela Keresete o kae?” Ke gone. A re, “A baruti ba ntse ba le phoso?”

⁶⁹ Ke ne ka re, “Mokaulengwe Reidhead, nna ga ke na go batla go bua seo: ‘Baruti ba nnile ba le phoso.’ Gonne ga ke mo seemong go bua seo. Fela mpe ke bue sena: Keresete ga a tle ka Garata ya ntlha ya Botaki kgotsa Bongaka jwa Bomodimo. Fela O tla ka go ntšhwafadiwa ga mowa wa gago, ka Mowa o o Boitshepo o o tswang ko Legodimong.”

O ne a re, “A o akanya gore moo e tlaa bo e le ga me?”

Ke ne ka re, “Go ya ka Baebele e e segofetseng ena ya kgale, ke ga ‘le fa e le mang yo o ratang, a ena a tle.’”

O ne a re, “Ke nnile ka rutwa gore moo e ne e le ga letsatsi le le fetileng.”

Ke ne ka re, “Fong, moruti yo o go rutileng seo, o ne a le phoso.”

Ne a re, “O itse jang gore ba ne ba le phoso?”

⁷⁰ Ke ne ka re, “Ke O amogetse. Mme Baebele e O soloeditse. Ke tlaa . . . Fano ke fa A Go soloeditse teng. Jaanong mpolelele mme o ntshupegetse kwa A kileng a busetsa tsholofetso eo morago. O ne a naya Kereke thata ya go go dira. Jaanong O ne a go busetsa morago nako epe ko kae? Fa Kereke e go bolelela gore dilo tseo di fetile, fong ba ruta ditao tsa batho go nna thuto, mme eseng tsa Modimo. Ba tsaya ditaelo tsa Modimo mme ba di dira tse di senang mosola, ka ngwao ya bone.” Go ntse jalo.

⁷¹ O ka se kgone go Mmona mo gare ga bagaeno. O ka se kgone go Mo fitlhela fa o ya mme o re, “Ke tlaa nna Momethodisti, lobakanyana, mme ke bone se se diragalang. Ke tlaa bo ke le Mobaptisti, lobakanyana, mme ke bone se se diragalang.” Ga o kitla o Mo fitlhela koo, kgotsa ko kerekeng epe e sele ya lekoko. Fela kereke epe e o eletsang go e tsena, eseng lekoko, fela go tsena ka mo kabalanong, eseng gotlhelele ya kereke, fela kabalano ya Mowa o o Boitshepo. Go raya gore o Mo fitlhetse. Go tlaa nna le tumelo e e itshetletseng.

⁷² Fa o le Momethodisti, Mobaptisti, Mokhatholike, Mopresbitheriene, le fa e le eng se o ka tswang o le sone, fa o fitlhela Jesu e le Mmoloki yo e leng wa sebelebele sa gago, eseng ka go dumedisana ka diatla le moreri, kgotsa dithuto tsa tumelo ya kereke, fela ka go bonwa ga Morena Jesu. Mme dikereke gompieno, di dira ditumelo tsa bone tsa kereke jaana, ba thukutha Modimo. Ba tsaya dithuto tsa bone, mme ba dira ditaolo tsa Modimo di se solegele mosola ope. Ga go solegele molemo mo bathong. Goreng? Ka gore thuto ya rona ya bodumedi e e dirilweng ke motho, dithuto tsa rona le ditumelo tsa rona tsa kereke, di thibetse ditshegofatso tsa di tlosa mo bathong, mme ga ba na tshono ya go O amogela. Ga ba itse sepe ka ga One. Ba itse fela gore bone ke maloko a kereke. Mme leo ke lebaka le re senang kabalano, dikereke, nngwe le e nngwe. Ke sone se ba nang le tsosoloso mme dikereke tse dingwe ga di tle go dirisanya le bone, lekoko lengwe, ka gore ba re, “Ga se tumelo ya me.”

⁷³ Go na le Tumelo e le nngwe fela. Baebele ne ya rialo. E seng tumelo mo tumelong ya kereke; e seng tumelo mo lekokong. Fela tumelo mo Modimong. Eo ke tumelo e le nosi e e leng teng. “Tumelo e le nngwe, Morena a le mongwe, le kolobetso e le nngwe.” Lekwalo la rialo.

⁷⁴ Mme jaanong, morago ga go tsamaya, mosepele letsatsi lotlhe, ba lebile mo gare ga ba losika lwa bone, mme ba ne ba se kgone go Mmona.

⁷⁵ Ke a ipotsa, bosigong jono, ke batho ba le kae teng fano ba ba neng ba ya golo ko kerekeng ya Baptisti mme ba go buisanya le Mobaptisti. Jaanong, ga go sepe . . .

⁷⁶ Ga ke rage kgatlhanong le dikereke. Nna ke ema nokeng nngwe le nngwe ya tsone. Fela, se nna ke buang ka sone, gone ke . . . kgatlhanong, ke, ba dira ditumelo tsa bone tsa kerekeng, mme ba rala mela le melelwane. Fa kerekeng nngwe le nngwe e ne e dutse gone ka tlhamallo mo Baebeleng, mme e E bala fela ka tsela e, mme e sa e itshunye le Yone, e E tlogole fela ka tsela e Modimo a E kwadileng ka yone, fela ba tlaa tsaya setokinyana, ba re, "Ao, moo e ne e le ga paka e nngwe." Ga se paka e nngwe. Modimo o tshwana maabane, gompieno le ka bosaeng kae.

⁷⁷ Jaanong, o tlaa ya loeto lwa letsatsi, mme o tlaa leba mo tikologong mme o tlaa bona tumelo e e rileng, mme fong o tlaa akanya, "Sentle, gongwe mona ke gone." Mme o tlaa tsena mme o tlaa leba mo tikologong. Go tlaa nna le mongwe teng moo yo o tlaa dirang sengwe. O tlaa re, "Mona ga se gone."

⁷⁸ O tlaa amogela lekwalo la gago go tswa mo kerekeng eo mme o le ise ka ko go e nngwe. Mme fong o tlaa bo o le teng foo malatsi a le mmalwa, kgotsa gongwe dibeke, kgotsa dikgwedi, kgotsa le e leng dingwaga. Mongwe o tlaa kgopa leano leo la gago, mme o tlaa tloga o ye ka lekwalo la gago, golo gongwe go sele; mme go tloga foo, go ya golo gongwe. Wena le ka mothla ope ga o na go itshetlala. Baebele ne ya re, "Lo jaaka dinaledi tse di kalakatlegang, dikepe di senang disaile, di fefutlwa ke phefo nngwe le nngwe ya thuto." Fa, Baebele e re ganela go dira seo.

⁷⁹ Nitama. Itse fa o emeng gone. O sekwa wa go thaya . . . Jaanong, o ka kgona go nna pelophepa mo go tseneletseng ka seo, go nitama. O ka nna wa bo o le Momethodisti yo o nitameng, Mobaptisti, Mopresbitheriene, Mokhatholike, kgotsa eng le eng mo gongwe, o nitame fela jalo. Fela lo sekwa lwa nitamisiwa mo thutong ya lona ya kerekeng. Lo nitameng mo Thutong ya Baebele. Fong tlhatlhoba dithuto tsa gago ka Baebele. Botsang se Jesu a neng a le sone. Fa A sa tshwane gompieno, go raya gore thuto ya gago e phoso.

⁸⁰ O na le sekai. Mme O ne a re, "Ke nna sekai sa gago. Ke lo neile sekai, gore lo tshwanetse lo direlaneng, jaaka Ke lo diretse." Moitshepi Johane 13.

⁸¹ Jaanong, fela lo fitlhela gore, seo ke se se diragalang. Jaanong, go na le tsela e le nngwe fela ya mmannete go Mo fitlhela ka nako eo, fa a ne a sa kgone go Mo fitlhela mo gare ga ba losika. O ne a boela kwa a Mo tlogetseng gone.

⁸² Seo ke se kerekeng e tshwanetseng go se dira. Boela kwa o Mo tlogetseng a le gone, mme foo o tlaa Mo fitlhela, wena Momethodisti, Mobaptisti, le Mapentekoste, le Assemblies of God, le lona lotlhе, Motlaagana wa Branham, le jalo jalo. Boelang kwa le Mo tlogetseng a le gone.

⁸³ Go nkgopotsa ka ga moruti, nako nngwe e e fetileng, kwa Ntweng ya Bobedi ya Lefatshe. O ne a mpolelela gore o ne a le motšhini... ne a ya kwa mo—monneng yo neng a... tlhobolo ya kgotlha more o itirise... ba ne ba mmolelela gore o ne a swa, o ne a futswe mo gare ga sehuba ka tlhobolo ya kgotlha more o itirise, marumo a le mantsi, mme o ne a re monna yo o a swa. Mme moruti ne a tsena go mmona. Mme o ne a le molaodi. Mme o ne a tsena ka mo tanteng, mme o ne a re, "Molaodi, a wena o Mokeresete?"

O ne a re, "Sentle, gangwe ke ne ke le Mokeresete."

O ne a re, "Fong go ne ga diragala eng?"

O ne a re, "Nna fela ga ke gakologelwe ka fa go simolotseng ka gone."

⁸⁴ Mme o ne a leba pampiri ya gagwe ya go tshwantsha. Mme o ne a bona gore o ne fela a neilwe go ka nna metsotso e le meraro go yeng go e le metlhano ya go tshela, mme karolo e kgolo ya nako eo e ne e setse e fetile. Ka fa re itseng go le gonne fela nako e ntsi ya rona e setse e dirisitswe le yone! Mme moruti o ne a raya molaodi a re, o ne a re, "Molaodi, o Mo tlogetse kwa kae?"

"Sentle," o ne a re, "Nna fela ga ke kgone go gakologelwa gone jaanong."

⁸⁵ Ne a re, "Go botoka o itlhaganele, gonne ga o na nako e ntsi ya go boela o fologela ka tsela kwa o Mo tlogetseng gone." Mme ne a re, "Gongwe le gongwe kwa o Mo tlogetseng teng, o tloge o ye gone koo mme o simolole, mme o tlaa Mo fitlhela."

⁸⁶ Mme moruti ne a re o ne a leta ka metsotso e le mmalwa ka Baebele mo seatleng sa gagwe go utlwa se molaodi a tlaa se buang. Mme o ne a tswelela a akanya ebole a akanya, mme o ne a sokola, jaaka madi a ne a tlala mo lekgwafong la gagwe. Mme morago ga sebaka, monyenyo o mogolo o ne wa tla mo sefatlhengsa gagwe, mme dikeledi di ne tsa kgokologela ko tlase ga lerama la gagwe. O ne a re, "Ao, ke a gakologelwa."

Ne a re, "Simolola go tloga foo, molaodi, ka bonako."

⁸⁷ Mme molaodi ne a re, "Jaanong ke a rapama gore ke robale. Ke rapela gore Morena mowa wa me wa botho a o boloke. Mme fa ke tshwanetse go swa pele ga ke tsoga, ke rapela gore Morena mowa wa me wa botho a o tseye." Ne a retolosa tlhogo ya gagwe, mme o ne a ile.

⁸⁸ O ne a Mo fitlhela kae? Mo maitemogelong a gagwe a sekolo se segolwane? Mo katisong ya gagwe ya saekholoji ya motho? Mo tumelong ya gagwe ya kereke? Mo kerekeng ya gagwe? Nnyaya! O ne a Mmona kae? Kwa tharing. Ke kwa a Mo tlogetseng teng, mme ke kwa Jesu a letileng gone.

⁸⁹ Ga re kitla re fitlhela Jesu ka go boela ko tshimologong ya Bobaptisti, morago kwa tshimologong ya Bomethodisti, kgotsa Bokhatholiki. Re tlaa fitlhela Keresete fela fa re boela ko

pentekosteng, tshimologong. Eseng lekoko jaanong, fela ko maitemogelong a mmannete a pentekoste. Fa batho ba le lekgolo le masome a mabedi ba ne ba phuthegetse ko Kamoreng e e kwa Godimo, e Jesu a neng a ba rometse gone koo, mme O ne a ba bolelela, “Lo name lo sa diegile ko motsemogolong wa Jerusalema go fitlhela lo nonotshwa ka Thata go tswa Godimo.”

⁹⁰ Ga re kitla re leta go le go leele mo go lekaneng go nna le thuto e e lekaneng, eseng go nna le Digarata tsa Bongaka, kgotsa maitemogelo a dithuto tsa bodumedi. Fela re tlaa tshwanela go leta go fitlhela Mowa o o Boitshepo oo wa pentekoste o fologela mo mothong ka bonosi, ka Thata ya go nonotsha go hularisa sefatlhogo sa mosadi kgotsa sa monna boleo le dilo tsa lefatshe, le go tshela jaaka Mokeresete. Fong o ka ipataganya le kereke nngwe le nngwe e o e eletsang.

⁹¹ Fela re ne ra Mo tlogela kwa pentekoste. Momethodisti o ne a Mo tlogela kwa pentekoste. Mobaptisti o ne a Mo tlogela kwa pentekoste. Mokhatholike o ne a Mo tlogela kwa pentekoste. Moamishi o Mo tlogelsete kwa pentekoste. Bakaulengwe ba Mo tlogelsete kwa pentekoste. Assemblies of God e ne ya Mo tlogela kwa pentekoste. United church e ne ya Mo tlogela kwa pentekoste. Koo ke kwa A simolotseng gone.

⁹² Ao the Modimo, thusa sena go tsenelela ko gae ko pelong nngwe le nngwe. Ke sone se A sa kgoneng go dula mo kagong ena. Leo ke lebaka le A sa kgoneng go tla mo ditumelong tsa rona tsa kereke le makoko. Re tlogelsete dithaego.

⁹³ Reetsang. Jesu ne a re, “Ke nna Mofine, lona lo dikala.” Mme fa Kereke e ne e Ipoloka mo go Jesu, E ne ya ntsha kala ya pentekoste. Mme fa kala ya ntlha e tswa mo Mofineng, e le ya pentekoste, kala nngwe le nngwe e tlaa tshwanela go nna jaaka ya ntlha. Re tshwanetse re boeleng ko maitemogelong a pentekoste gape.

⁹⁴ Fa mofine o ntsha kala ya setlhare sa mofine fano, kala e e latelang e tlaa nna kala ya setlhare sa mofine, kala e e latelang e tlaa nna kala ya setlhare sa mofine, mme kala e e latelang e tlaa nna kala ya setlhare sa mofine.

⁹⁵ Mme Jesu Keresete o tshwana maabane, gompieno, le ka bosaeng kae. Mme O kgona fela go nna le mohuta o le mongwe wa dikala, mme tseo ke dikala tsa pentekoste, mo Kerekeng ya Gagwe, ka maitemogelo a pentekoste.

⁹⁶ “Ao,” o re, “Mokaulengwe Branham, motsotso fela. Ke ikanyega mo tumelong ya me ya kereke.”

⁹⁷ Fa thuto ya gago ya kereke e ruta gore gotlhe mo o tshwanetseng go go dira ke go neelana diatla le moreri, Jesu ne a re, “Go ne go se jalo go tswa tshimologong.”

⁹⁸ O re, “Mokaulengwe Branham, ke wa lekoko le legolo, mme kereke ya me e bua gore metlha ya metlholo e fetile.”

⁹⁹ Jesu o rile, “Go ne go se jalo go tswa tshimologong.” Tshimologo e ne e le kae? Pentekoste, kwa Thata ya Modimo yo o tshelang e neng ya fologela mo bathong ba le lekgolo le masome a mabedi, mme ya ba kolobetsa ka Mowa o o Boitshepo le Thata, go direla ditirelo kwa go Ena. Moo go ne ga fetola lefatshe le le neng le itsewe.

¹⁰⁰ Wa re, “Mokaulengwe Branham, kereke ya me e a dumela.” Re bona basadi mo mebileng gompieno, ba goga disekarete, ba apere bomankopa. Wa re, “Sentle, modisa phuthego wa me ga a bue sepe ka ga gone. Kereke ya rona ya re moo go siame.”

¹⁰¹ Fela Jesu ne a re, “Go ne go se jalo go tswa tshimologong.” Go ne go se jalo. “Gonne basadi, ba ba tlaa aparang seaparo se e leng sa monna, ke se se ferosang dibete fa pele ga Modimo.”

¹⁰² O nthaya o re, “Mokaulengwe Branham, masigo a le mmalwa a a fetileng, o ne wa kgala go kgatšha.” Fela wa re, “Kereke ya me e ruta gore o ka kgatšhiwa, mme go siame.”

Fela Jesu ne a re, “Go ne go se jalo go tswa tshimologong.”

¹⁰³ Wa re, “Fela, Mokaulengwe Branham, kereke ya me e dumela mo go tsheleng. Mme ke pelophepa. Mme ke kereke e kgolo.”

Fela Jesu ne a re, gore, “Go ne go se jalo go tswa tshimologong.”

¹⁰⁴ E re, “Mokaulengwe Branham, ke ile ka tebisiwa, ‘ka leina la Rara, le ka leina la Morwa, le ka leina la Mowa o o Boitshepo.’”

¹⁰⁵ Baebele ne ya re, “Go ne go se jalo go tswa tshimologong.” Ga go ise go ke go nne le selo se se jalo. Ba latela thuto nngwe e dirilweng ke motho le thuto ya kereke!

¹⁰⁶ Petoro ne a re, mo Letsatsing la Pentekoste, kwa Kerekeng ya ntlha, “Ikotlhaeng, mongwe le mongwe wa lona, mme lo kolobediwe mo Leineng la Jesu Keresete, lo direla boitshwarelo jwa maleo a lona, mme lo tla amogela neo ya Mowa o o Boitshepo. Gonne tsholofetso ke ya lona, le bana ba lona, le mo go bone ba ba kgakala kgakala, le e leng ba le bantsi ba Morena Modimo wa rona a tla ba bitsang.” Sengwe le sengwe se se kganetsanong le Seo, se ne se se jalo kwa tshimologong.

¹⁰⁷ O re, “Ke leloko la lekoko le legolo le le reng, ‘Re bua fa Baebele e buang gone, mme re didimala fa E didimetseng gone.’ Mme kereke ya rona ya re, gore, ‘Malatsi a metlholo a fetile.’”

¹⁰⁸ “Go ne go se jalo go tswa tshimologong.” Gonne Jesu ne a re, “O tlaa tshwana maabane, gompieno le ka bosaeng kae.” “Magodimo otlhe a tlaa feta, fela Lefoko la Gagwe ga le kitla le nyelela.”

¹⁰⁹ Re tshela mo motlheng o ba tsereng ditaolo tsa Modimo mme ba di sokamiseditse ka mo dingwaong tsa batho, fela go ne go se jalo go tswa tshimologong. Ke ngwao ya batho ba re ba obamelang, mme eseng ditaolo tsa Modimo.

¹¹⁰ Re ne ra ema fano ka matlho a e leng a rona, bosigo jo bo fetileng, mme ra bona moreri yo o foufetseng a amogela pono ya gagwe, a eme fa seraleng. Ke Mmone a fodisa yone meriti ya loso, ke Mmone a tlisa batho ba le bararo ko botshelong morago ga ba sena go bolelwa fa ba “sule,” ke ngaka.

Wa re ga o dumele seo. “Kereke ya me ga e go dumele.”

¹¹¹ Fela Moo e ne e le nnete go tswa tshimologong. Sengwe le sengwe se se leng kganetsanyong ga se jalo, go tswa tshimologong, ka gore Modimo ke Modimo wa Botshelo, Modimo Mothatiotlhe, ga A kake a palelwa. O tshwana maabane, gompieno, le ka bosaeng kae. Ga re kgone go Mmona mo ditumelong tsa rona tsa kereke. Ga re kgone go Mmona mo makokong a rona. Re tshwanetse re Mmone kwa morago kwa re Mo tlogetseng gone.

¹¹² Wa re, “Sentle, ke na le, Mokaulengwe Branham. Ke go bolelala se ke se dirileng. Ke binne mo Moweng. Ke a itse ke na le One.”

“Go ne go se jalo go tswa tshimologong.”

“Ke buile ka diteme, jalo he ke a itse ke na Nao.”

“Go ne go se jalo go tswa tshimologong.” Go jalo.

Wa re, “Ke ne ka thela loshalaba, mme ke na Nao.”

¹¹³ “Go ne go se jalo go tswa tshimologong.” Go jalo. Go itse Keresete ke go itse Sebelebele sa ga Keresete, mo boitshwarelong jwa boleo, mme go fetola botshelo jwa gago.

¹¹⁴ Ke bone batho ba bina, ba thela loshalaba, ba bua ka diteme, le jalo jalo, mme ba tshela mohuta mongwe le mongwe wa botshelo. Jalo he, moo go ne go ka se kgone go nna mo go nepagetseng. Ke ba bone ba ipataganya le dikereke, ba neelana diatla, ba kolobetsa, ba ralala mehuta yothle ya ditumelo tsa kereke, mme ba santse ba tshela jaaka diabolo. “Go ne go se jalo kwa tshimologong.”

¹¹⁵ Go kopana Nae, Sebelebele, Morena Jesu, go Mo itse e le Mmoloki yo e leng wa gago, go Mo itse e le Morati wa gago, “Go Mo itse ke Botshelo.” Fela ditumelo tse dingwe tsena tsa kereke le dilo, ga di ise kwa tshimologong tsa kaiwa le ka nako nngwe ke Morena wa rona. “Yang ko lefatsheng lotlhe mme lo rerefeng lobopo lotlhe Efangedi.” Bokgakaleng jo bo kae? “Lefatsheng lotlhe.” Ko go mang? “Setshedeng sengwe le sengwe.” “Ditshupo tsena di tlaa latela bone ba ba dumelang.” Seo e ne e le se e neng e le tshimologo. Sengwe le sengwe se se leng kganetsanyong le seo ga se a siama. Ga o se fitlhele mo ditumelong tsa kereke. O go fitlhela mo go Keresete. Ena ke Ena a le esi.

Wa re, “Mokaulengwe Branham, Baebele ne ya re foo . . .”

¹¹⁶ E ne ya reng? “Ka Leina la Me ba tla kgoromeletsa ntle bodiabolo; ba tla bua ka dipuo tse dintshwa, diteme; mme fa ba

tsholetsa dinoga, kgotsa ba nwa dilo tse di bolayang, ga di tle go ba utlwisa botlhoko; fa ba baya diatla mo balwetseng, ba tlaa tsoga.” Seo ke se Lekwalo le se buileng. Sengwe le sengwe se se kganetsanong le Seo . . .

¹¹⁷ Wa re, “Ditshupo *tsena* di a ba latela: ena ke monna mogolo yo o siameng; o ntsha ditsabosome tsa gagwe; o dira sentle; o tshwara moagisanyi wa gagwe sentle.” Fa moo e le gotlhe mo go tlhokegileng, Keresete o ne a sa tshwanelo go swa.

¹¹⁸ Go tsaya maitemogelo a sebelebele a go feta losong go ya Botshelong, mme o nne sebopiwa se seša mo go Keresete Jesu, le Keresete mo pelong. Moo ke Mowa o o Boitshepo. Moo ke kwa go simolotseng gone.

¹¹⁹ Barutwa bao e ne e le banna ba ba siameng. E ne e le banna ba ba tshiamo. Ba ne ba duela dikoloto tsa bone. Ba ne ba tshepega. Ba ne ba tle ba neele dintšhi di le lesome le bosupa ka mo jarateng; le di ounce di le kana-kana mo godimo ga ponto; mme fa ba tsamaya mmaele o le mongwe, ba tsamaye e le mebedi. Ba ne ba le bodumedi thata, le Bafarasai bao ba ne ba le jalo. Fela Jesu ne a re, “Ntleng le gore motho a tsalwe gape, ena ga go tsela epe e a ka tsenang ka mo Bogosing.”

¹²⁰ Re tshwanetse re boeleng kwa re Mo tlogetseng gone. Re boeile morago mme re Mmone, gonne ditumelo *tsena* tsa kereke di ne di se jalo ko tshimologong. Dikereke tsa makoko di ne di se jalo ko tshimologong. Jalo he latlhela sengwe le sengwe fela o bo o sianela ko morago ko pentekosteng, mme o batle Modimo wa nneta le yo o tshelang, Yo o fodisang balwetse, a ntlafatsang balepero, a kgoromeletsang ntle bodiabolo, mme a bolela gore o mo Baebeleng, yo o tshwanang maabane, gompieno le ka bosaeng kae. Ena ke Modimo wa tshimologo. Ena ke Ena Yo o sa fetogeng. A ka se kgone go nna Modimo, mme a nne sengwe gompieno le sengwe se sele ka moso, le sengwe se sele. A ka se kgone go nna yo o senang selekanyo mme a nne seo. Ena go sena pelaelo epe o tshwana maabane, gompieno, le ka bosaeng kae.

¹²¹ Jaanong, ditsala, mo motlheng o re tshelang mo go one, fa re bona gore batho ba bodisitse lefatshe ka dingwao tsa bone, fa ba bodisitse kereke ka dingwao tsa bone, fa ba bodisitse menagano ya batho ka dingwao tsa bone! A ga re a go lebelela maloba bosigo, mme ra bona kwa kereke eo ya kgale e e tshegetsang goromente, kgotsa kereke ya seaka e neng e na le barwadi, mme bone boobabedi ba ne ba aba, go nna Thuto, magokafalo a makgaphila a bone? Moo go tla ka lekgotla lengwe le lengwe. Bone ba kgotlelesegile.

¹²² Mme, jaanong, ga ke re tlogang mo lekgotleng la lona. Fela tloga fela mo go tshwareleleng mo lekgotleng leo fela. Yaa kwa go Keresete. Dilo tseo di phoso. A re boeleng ko tshimologong. Fong, fa re ka dira seo, lo tlaa fitlhela Keresete a *tsena* ka mo ntlong eo e e agilweng mo Lefikeng le le kwenneng. Mme foo ditshupo

le dikgakgamatso le tshegofatso nngwe le nngwe e Modimo a e sololeditseng e tlaa bonatswa ka Kereke eo.

A re rapeleng.

¹²³ Fela pele ga re ya go rapela, fa ke santse ke tlogela tlhagiso e e masisi ena mo pelong ya gago: A go tshwana mo go wena jaaka go ne go ntse ka gone kwa tshimologong? Kereke e o leng mo go yone, a ke tumelo fela ya kereke kgotsa lekoko, kgotsa a ke maitemogelo a a go tlisang ko go wena moo jaaka a dirile kwa tshimologong? Fa go se jalo, go raya gore ga go jalo. A o ka se ka wa tla ko tshimologong ka nako e, mme wa simolela go tloga fano? Mme o tlogele kgakala le ditumelong tsa kereke le makokong, mme o direle Modimo yo o tshelang. Fa o le fano, bosigong jono, mme o tlaa eletsa go gopolwa mo thapeleng ya go tswala, a o tlaa tsholeletsa diatla tsa gago ko go Modimo, mme o re, “Nkgopole, Mokaulengwe Branham.” Modimo a go segofatse, go ralala kago. Moo go siame. Moo go siame.

¹²⁴ Go sa kgathalesege gore ke kereke efeng e o leng leloko la yone, lekoko la gago, tsholeletsa seatla sa gago, o re, “Nna le boutlwelo botlhoko, Modimo, mo go nna.” Modimo a go segofatse. Moo go siame thata. Ditasene tsa diatla di tsholeditswe, gotlhe mo kagong.

¹²⁵ “Nkgopole mo thapeleng, mokaulengwe, ka oura ena,” o re, “ka gore ke batla go boela ko tshimologong.” Modimo a go segofatse. Modimo a go segofatse, wena, wena golo koo, morago mo ntlolehahaleng, golo kwa ntle. Morena a lo segofatse. Modimo o bona diatla tsa lona, di tletse ka dipalo gore nna ke di bale. O itse mongwe le mongwe. Kgakala ko morago, mohumagadi yoo a leka go tsholeletsa diatla tsa gagwe ko godimodimo ko morago koo, a go segofatse, kgaitzadi.

¹²⁶ Jesu ne a re, “Lo ruta dingwao tsa batho go nna Thuto, mme lo dira ditaolo tsa Modimo di se nne tsa natla, ka dingwao tsa lona.” Mme fa A go buile mo motlheng oo, ga tweng ka ga ona? A re boeleng ko tshimologong jaanong. Ke eng se se neng sa . . . Ga tweng ka ga gone?

¹²⁷ Fa Kala e tlhagelela ka Letsatsi la Pentekoste, mme ya ntsha Kereke ya mohuta oo, ba ne ba ya ko lefatsheng lotlhe, ditshupo le dikgakgamatso di ne di ba latela gongwe le gongwe, e seng ditshupo le dikgakgamatso tse re tlaa di bitsang gompieno, fela letsatsi le ba neng ba tswelela: ba ne ba rera gongwe le gongwe; ba ne ba kolobetsa batho, seša gape, ka Leina la Morena Jesu; ba—ba ne ba kgarameletsa ntle bodiabolo; ba ne ba fodisa balwetsi; ba ne ba na le phenyo, go tloga tshimologong go ya bokhutlong.

¹²⁸ Mme fa ngwao ya kereke ya gago e go rutile kgathlanong le Seo, a re boeleng ko tshimologong kwa re se tlogetseng gone. Mme a re ntsheng fano, bosigong jono, maloko a Kereke jaaka kwa tshimologo, ba ba neng ba na le lorato lwa bokaulengwe,

mongwe go yo mongwe, ba kgona go baya matshelo a bone mongwe a direla yo mongwe. Banna le basadi ba ba ratanang, lorato le le kalo la Semodimo, go tsamaya ba ne ba ya kwa ntlong ya kwatlhaelo kgotsa sefateng sa polaelo mongwe a ela yo mongwe. Eo ke Kereke ya kwa tshimologong.

Morena a lo segofatse, fa re santse re rapela.

¹²⁹ Rara wa Legodimo yo o rategang, jaaka re tla mo go tswalweng ga Molaetsa o monnye ona, bosigong jono, mme batho ba eme go dikologa dipota, ba letile, ba ikaegile mo dipilareng, le go bapa le dipota, le e leng ka fa ntle. Mme ba tsholetsat diatla tsa bone, gore ba ne ba batla go kopana le Jesu yoo wa kwa tshimologong. Dumelela, Morena, ka yone oura ena, ba Mo kgatlhantshe. Gonne go kwadilwe, “Go sego bao ba ba tshwarwang ke tlala ebile ba nyorelwa tshiamo, gonne ba tlaa kgorisiwa.” Palo e kgolo ya diatla, Rara. Ba le bantsi thata ba bone, ke ne ke sa kgone go ba bala ka nako e le nngwe. Fela Wena o ba bona botlhe, ebile o ba itse botlhe.

¹³⁰ Mme go kwadilwe, gore, “Ga go motho yo o ka tlang mo go Nna, ntengleng le fa Rrê a mo goga.” Ba nnile le mo go lekaneng ga ditumelo tsena tsa kereke, mme ba lemoga gore ga ba bone Jesu mo go tsone. Jaaka Marea le Josefa, ba tshwanetse ba boele ko tshimologong kwa ba Mo tlogetsetseng gone. Ba eletsa go boela morago, bosigong jono, ko maitemogeleng a pentekoste, mme ba amogele Mowa o o Boitshepo, mme koo ba tsalelwese seša ka ko Bogosing jwa Modimo. Mme, dumelela, Morena, gore mongwe le mongwe wa bone o tlaa amogela maitemogelo ao, yone oura ena. Gonne re go kopa mo Leineng la Jesu, Morwa wa Gago.

¹³¹ Mme fa re santse re inamisitse ditlhogo tsa rona. Ga ke itse a kana lo ka kgona kgotsa nnyaya; fa lo tlaa rata go tsamaela golo ka mo bogareng jwa seferwana sena, go na le bonno go ralala fano. Tlaya gone golo fano, mme o eme fa aletareng, mme o re, “Mokaulengwe Branham . . .” Fa wena ka nnene o dumela seo.

¹³² Nka nna ka bo ke nnile masaitseweng ko go lona, mo dinakong tse di fetileng. Fela ka e le gore sengwe se diragetse, didikadike go dikologa lefatshe di ‘O amogetse. [Fa go sa theipiwang teng mo theiping—Mor.]

¹³³ “Mme go lebega okare go boela gone ka tlhamallo ko tshimologong, ko Baebeleng. Ga ke na maitemogelo ao, fela ke—ke batla o nthapelele, bosigong jono, gone fano fa aletareng, mme o beye diatla mo go nna. Gonne eo ke tsela e ba go dirileng ka yone kwa tshimologong.”

¹³⁴ Filipo o ne a fologa mme a rerela Basamaria. Mme o ne a ba kolobeditse botlhe ka Leina la Jesu. Fela Mowa o o Boitshepo o ne o sa tla mo go ope wa bone, go fitlhela ba ne ba rometse go bitsa Petoro. Mme o ne a fologa a bo a baya diatla mo go bone, mme ba ne ba amogela Mowa o o Boitshepo.

¹³⁵ Fa o tlaa eletsa thapelo, mme fa mowa wa gago wa botho o imelwa ke boleo, mme le fa go ntse jalo o lekile dikereke le dikolobetso, le jalo jalo, fela ga go ise go bereke; fa o batla go nna, gore ke rapele le wena, bosigong jono, o tle gone golo fano jaanong. Ke tlaa itumelela go ntshetsa mongwe le mongwe wa lona tirelo ya me ya thapelo, ke leng peloephepa. Mme ke a dumela fa o tla mo botenngeng jwa bopelophepa jwa gago, Modimo yo o kgonang go bula matlho a a foufaditsweng o kgonang go phepafatsa pelo e e leswe. Modimo yo o kgonang go tsosa baswi, mo mmeleng, go tlhomame o kgonang go mo tsosa mo moweng. Ena yo o kgonang go naya mmele o o swang botshelo, go tlhomame o kgonang go rudisa mowa wa botho o o sa sweng. Go rudisa go raya “go tshedisa.” Mma Modimo a ine seo ka mo pelong ya gago, ditsala tsa me tse di rategang.

¹³⁶ Lona batho fano, ba motsemogolo wa Jeffersonville, le New Albany, le Louisvillle; Ga ke itse ka foo lo ileng go ema mo Letsatsing la Katlholo, ka gore Modimo o dirile sengwe le sengwe gone fano, fa motlaaganeng o monnye ona wa kgale o o ikobileng, o o lebegang o le ko tlase. O fodisitse balwetse. O supegeditse ditshupo le dikgakgamats. Ena o—Ena o tlisitse sena fa pontsheng, Lefoko la Gagwe, a sa fapose selo se le sengwe mo Dikwalong, mme a Ithurifatsa gore ke Modimo wa batshedi.

¹³⁷ O ile go dira jang Legodimo legae la gago, mme wena o kaletse mo ditumelong tsa kereke le makokong, bodumeding jwa maaka, le dikolobetsong tsa maaka, le maikutlong a maaka? O ile go go dira jang, fa go le gone mo pelong ya gago, mo diatleng tsa gago, go dira tshwetso ya gago? Fa ke ne ke le mo lefelong la gago, pele ga go nna thari goela ruri, ke ne ke tlaa tla.

¹³⁸ Gonne, gakologelwang, Jesu ne a bua ka ga mosadi a le mongwe a neng a tswa kwa setshabeng. Mme O ne a re, “Khumagadi ya Borwa e tlaa tlhatloga ka Letsatsi la Katlholo, le kokomane ena, mme o tla e sekisa, gonne o ne a tswa kwa dintlheng tse di kwa tennyamateng tsa lefatshe go utlwa botlhale jwa ga Solomone.”

¹³⁹ Modimo a go segofatse, kgaitadike. Fa fela o batla go khubama, yaa gone golo koo. Fa bana ba ba nnye ba ka sutela kgakala kwa morago ko kgakala fela jaaka ba ka kgonang, ba direle bao ba ba tlaa batlang go tla mme ba khubame ka ntlha ya thapelo.

¹⁴⁰ Ke ile go opela fela temana kgotsa di le pedi tsa kopelo ena, “Ke tsetsepeditse mowa wa me wa botho.” Mme ke batla mongwe le mongwe a rapele ka mowa wa thapelo, fa re santse re bona fa bao ba ba senkang Modimo thata ba eletsa thata go fologa mme ba rapele.

...tsetsepeditse mowa wa me wa botho mo
botshabelong jwa boikhutso,
Nka se tlhole ke tsamaya mawatleng a a
gaketseng;
Ledimo le ka nna la anama godimo ga bodiba
jo bo gaketseng, jwa matsubutsuju,
Mo go Jesu nna ke sireletsegile ka metlha
yotlhe.

Ke tsetsepeditse wa me . . .

¹⁴¹ Jaaka Mowa o o Boitshepo o tlaa, etelela pele gone golo kwa
aletareng jaanong ka ntsha ya thapelo.

...tlhole ke tsamaya mawatleng a a
gaketseng . . .

Tlaya, mokgelogi.

Ledimo le ka nna la anama godimo ga bodiba
jo bo gaketseng, jwa matsubutsuju,
Mo go Jesu nna ke sireletsegile ka metlha
yotlhe.

Phatsima mo go nna, Morena, phatsima mo go
nna,

Letla Lesedi go tswa ntlong ya Lesedi . . .

¹⁴² Seo ke se Le leng sone, Ke Lefoko.

. . . phatsima . . .

O na le Lone le phatsima gotlhe go go dikologa.

Ao, phatsima mo . . .

¹⁴³ A o ka se ka wa dira tsela ya gago go tswa mo setilong sa
gago, o fologe? Boela ko kerekeng ya gago, le fa e le kae kwa o
tswang gone; fela tlaya kwano mme o Mo fitlhele jaaka A ne a
ntse ka gone kwa tshimologong.

Letla Lesedi go tswa ntlong ya lesedi le
phatsime mo go nna.

Go nna jaaka Jesu, go nna fela jaaka . . .

¹⁴⁴ Ke ba le kae ba ba tlaa ratang go nna jalo? Tsholetsa fela
seatla sa gago.

Mo lefatsheng ke eletsa go nna jaaka Ena;
Gotlhe go ralala mosepele wa botshelo go tloga
mo lefatsheng go ya Kgalalelong,
Ke kopa fela go nna jaaka Ena.

Go tswa bojelong jwa diphologolo jwa
Bethelohema go ne ga tswelela teng Moeng,
Mo lefatsheng ke eletsa go nna jaaka Ena;
Gotlhe go ralala loeto lwa botshelo go tloga fa
lefatsheng go ya Kgalalelong
Ke kopa fela go nna jaaka Ena.

Go nna fela jaaka Jesu, go nna jaaka Jesu,
 Mo lefatsheng ke eletsa go nna jaaka Ena;
 Gothe go ralala loeto lwa botshelo go tloga fa
 lefatsheng go ya Kgalalelong
 Ke kopa fela go nna jaaka Ena.

¹⁴⁵ Jaaka bana, bakomi ba ba rategang, bao ba ba ikutlwileng tshekiso ya Mowa o o Boitshepo, o ba biletsha kwa bogorogeleng jwa bone jwa bofelelo. Mme gakologelwang, go ka nna ga diragalela motho yo monnye fano, mo teng ga metsotso e le metlhano. Mme mo oureng e le nngwe go tloga jaanong, go ka nna ga se nne le motho yo o tshelang mo lefatsheng. Go ka diragala. Maranyane a ne a re, dinyaga di le pedi tse di fetileng, “E ne e le metsotso e le meraro go yeng go bosigo gare.” Lo itse se re ntseng re se rera mo diporofetong. Go ipaakanyeditse fela go diragala. Mme goreng Satane a tlaa o tshola o tlathlhtswe, ka pelaelonyana e nnye mo tlhaloganyong ya gago?

¹⁴⁶ Jaanong, lona fano ba lo nnileng lwa kgatšhiwa, lwa poromediwa, kgotsa—kgotsa lwa kolobetswa ka ditsela di sele go na le kolobetso ya Sekeresete, a sena se itsegeng mo go lona.

Ya re Petoro a santse a bua mafoko a, Mowa o o Boitshepo o ne wa fologela mo go . . . bao ba ba uthwileng lefoko.

Mme bao ba e leng ba thupiso ba ba neng ba dumetse ba ne ba maketse, ba le bantsi ba ba neng ba tlide le Petoro, ka gore . . . mo Baditšhabeng . . . go ne ga tsholleluwa neo ya Mowa o o Boitshepo.

Gonne ba ne ba ba utlwa ba bua ka diteme, ebile ba godisa Modimo. Fong Petoro ne a araba,

A motho a ka kganelia metsi, gore bana ba sekba ba kolobetswa, ba ba amogetseng Mowa o o Boitshepo jaaka rona?

Fong o ne a ba laela gore ba kolobetswe ka leina la Morena Jesu Keresete.

¹⁴⁷ Ditiro 19, nte ke lo inoleleng, lona batho ba Mabaptisti. Mme reetsang sena ka tlhoafalo.

Mme go ne ga diragala, gore, ya re Apolose a santse a le kwa Korinthe, Paulo a ne a fetile kwa matshitshing a a kwa godimo . . . a Efeso: o fitlhela barutwa bangwe,

O ne a ba raya a re, A lo amogetse Mowa o o Boitshepo esale lo dumetse? . . . ba ne ba mo raya ba re, Rona . . . ga re itse fa go na le Mowa o o Boitshepo ope.

Mme o ne a ba raya a re, Ke eng . . . se lo neng lwa kolobeletswa go go sone? Mme ba ne ba re, re ne ra kolobeletswa ko go Johane . . .

...o ne a re, Ammaaruri, Johane ne a kolobeletsa tshokologo, *a re...gore ba tshwanetse ba dumele mo go ene yo tshwanentseng go tla...ke gore, mo go Jesu Keresete.*

Mme erile ba utlwa sena, ba ne ba kolobetswa seša gape ka leina la Morena Jesu Keresete.

Mme...Paulo...ne a baya diatla tsa gagwe mo go bone, mme Mowa o o Boitshepo ne wa tla mo go bone; mme ba ne ba bua ka diteme, ebole ba godisa Modimo.

¹⁴⁸ Bagalatia 1:8, Paulo a bua gape.

Jaaka ke buile, nna ke bua jalo gape; fa rona, kgotsa moengele go tswa legodimong, *a lo rerela efangedi epe e sele...a ena a hutsege.*

¹⁴⁹ Go sa kgathalesege gore ke ditumelo di le kae tsa kereke tsa lesedi, ke makoko a le kae, ke dilo di le kae! Fa o ise o kolobetswe ka Leina la Jesu Keresete, lona badumedi, ke a lo laola, ka Leina la Jesu Keresete, go tsamaela ko lekadibeng lena mme lo kolobetswe. Go ntse jalo. Eya. Seo ke totatota se Lekwalo le se buang. “Gonne ga go na Leina le lengwe fa tlase ga Legodimo, le le neilweng mo gare ga batho, le ka lone lo tshwanetsweng go bolokesega.” Go sa kgathalesege thata ka foo wena... se o se dirileng, ka foo o amogetseng Mowa o o Boitshepo thata, a re boeleng ko tshimologong. Fa o ne wa kgatšiwa, wa poromediwa, kgotsa sengwe se kolobeditswé, ka leina la “Rara, Morwa, Mowa o o Boitshepo,” ke tumelo ya maaka ya kereke. Ga go na ope mo Baebeleng yo le ka nako epe a kgatšitsweng, yo le ka nako epe a poromeditsweng, kgotsa yo le ka nako epe a neng a kolobetswa ka leina la “Rara, Morwa, Mowa o o Boitshepo.” A re boeleng ko tshimologong, mme lo tlaa Mo fitlhela. Aletare e bulegile, mme lekadiba le letile. Fa re santse re opela gangwe gape, “Fela go nna jaaka Jesu.”

Go nna jaaka Jesu, fela go nna jaaka Jesu,
Mo lefatsheng ke eletsat thata...

¹⁵⁰ A ga lo tle go tsamaela ntlheng ya kwano? Ga tweng ka ga lona badumedi? Go tlaa bo go na le bonno jo bo bulegileng fano jwa lona, mo motsotsong fela.

Gotlhe go ralala loeto lwa botshelo...

¹⁵¹ O ne a reng? “Go ne go se jalo go tswa tshimologong.” Fa o batla go nna jaaka Ena!

...ko Kgalalelong
Ke kopa fela go nna jaaka Ena.

¹⁵² A re rape leng gape. Tswelela o tle, kgaitsadi, fa o tla mo aletareng fano. Go siame.

¹⁵³ Morena Modimo, mpe go kwadiwe, mme mpe go dirwe, Morena. Go kwadilwe, jalo he jaanong mpe go diriwe. Ga ke tle

go nna molato kwa Letsatsing la Katlholo, ka ntlha ya go ema fa morago ga tumelo nngwe ya kereke; fa e se go rera Efangedi e e tletseng, ka Thata ya tsogo ya Mowa o o Boitshepo.

¹⁵⁴ Jaanong, Morena, a O tlaa tlhompha Mafoko ana, mme a O tlaa romela Mowa o o Boitshepo mo go ba, bosigong jono, Morena? Mme o fodise balwetse le ba ba tlhokofetseng mo gare ga rona, gore batho ba tle ba itse gore Modimo yo o kwadileng Baebele o santse a le fano, mme ga A fetoge, le fa motho a leka go fetola Lefoko. Fela Ena ke Modimo yo o sa fetogeng, yo neng a re, "Go ne go se jalo go tswa tshimologong." Mme fa re bona se kala ya ntlha e neng e le sone, mo Setlhareng sa mofine, re ka kgona ka nnete go dira Buka ya Ditiro sekai sa rona re le kereke.

¹⁵⁵ Dumelela, Morena, bosigong jono, gore motho mongwe le mongwe fano yo o iseng a latele Morena Jesu, mme Jesu a tlhomamisa gore O ne a na le bone, ka ditshupo le dikgakgamatsotso tsa thuto ya Kgolagano e Ntšhwa ya Buka ya Ditiro e kala ya ntlha e e ntshitseng, mma ba wele ka boikokobetso fa dinaong tsa Gagwe mme ba tswele pele, Morena, mme ba Mo fitlhela jaaka A ne a ntse kwa tshimologong. Gonane ga re kake ra Mo fitlhela mo gare ga ditumelo tsa kereke le makoko a rona, le mo gare ga dithuto tsa rona tse dinnye, tse di bokoa tsa motlha ona. Re tshwanetse re boele ko go Modimo le Baebele.

¹⁵⁶ Bao ba ba leng fano mo mangoleng a bona, ba ba senkang Mowa o o Boitshepo wa Gago, mme ba dumela gore O tlaa tla mo go bone, bona ga ba tlhome popego epe e e rileng, tsela epe e e rileng. Bona ba batla fela Mowa o o Boitshepo o tle mo go bona. Dumelela, Modimo, gore dipelo tsa bone di tle di bulege ka nako ena, mme Thata ya Modimo yo o tshelang e wele mo dipelong tsa bone, mme o ba tlatse, o bo o ba itshwarele maleo a bone, mme o ba tlatse ka Mowa o o Boitshepo. Dumelela dilo tsena, Rara.

¹⁵⁷ Jaanong ka ditlhogo tsa rona di obilwe, di nne fela jalo motsotsotso o mongwe, Ke dumela gore Modimo o ile go tsamaya ka tsela e kgolo go feta, fela mo metsotsong e le mmalwa.

¹⁵⁸ Fa go na le bangwe fano, bosigong jono, ba e leng baeng, go tswa mo motsemogolong, ba ba sa kgongeng go boela ko tirelong e nngwe, mme a le mo seemong sa tshoganetso. Fa bana ba santse ba le fa aletareng, ba senka, ba letile Modimo; mo e leng gore, re ile go nna gone le bone, mo metsotsong e mmalwa. Fela fa ba le fano mo seemong sa tshoganetso, mme ba sa kgone go leta fela go fitlhela... ba direla tirelo e nngwe, ba eletsa go rapelelwaa, a o tlaa tsholetsa diatla tsa gago, mongwe yo o tshwanetseng go tsamaya. Bongwe, bobedi. Go siame. Bongwe, bobedi, ba ba leng teng fano jaanong, boraro, ba ba leng teng fano, ba ba ka se kgongeng go tlhola ba leta, gore bona ba... tshwanetse fela gore ba tsamaye. Bonê. Ke bona a le mongwe ko morago. Go na le batho ba le banê. Tlhano. A le mongwe gone fano. Go siame, go na le ba le batlhano teng fano, bosigong jono, ba ba ka se

kgoneng go tlhola ba leta. Ke a ipotsa, fa o ka kgona, mme o ka kgona go ema ka dinao tsa gago; fa o ka se kgone, o ka nna wa kukiwa. Mme fa re santse re nnisitse batho bana fa aletareng, ke batla go, lo ye golo ka ko phaposing ena ya thapelo, golo ka mo letlhakoreng la letsogo la me la moja fano, batho ba ba tlhano bana.

¹⁵⁹ Fa re santse fela re kopa gore badiredi ba sena, ba ba leng mo kagong ena, bosigong jono, ba ba dumelang gore Molaetsa ona o ke o rerileng, gore ditumelo tsena tsa kereke le—le dithuto tse di dirlweng ke motho, gompieno, ga se tsa Modimo, fela tsone ke tsa motho; le gore ka mmannete re tshwanetse re boele ko tseleng ya Baebele, re boele ko tshimologong. Ke batla bangwe ba badiredi bao ba tsamaele fa pele mme baeme fano le nna, fa re santse re baya diatla mme re rapelela batho bana fano, mo bathong bana ba ba senkang ditshegofatso tse dikgolo tsa Modimo mo botshelong jwa bone. Bangwe ba lona badiredi, fa lo rata, ba lo dumelang Sena go nna Boammaaruri jo bo botlhokwa jwa Modimo. Lo seka lwa tla ka tsela epe e sele jaanong. Lo a bona? Nna motho yo o E dumelang go bo e le Boammaaruri jo bo feletseng bo sa botswe.

¹⁶⁰ Mme bao jaanong, ba ba batlhano bao ba ba tsholeditseng diatla tsa bone, yang ka fa letlhakoreng le lengwe lena, fa lo ka kgona. Kgotsa, lo tle tikologong fa morago ga serala, fa o sa kgone go tsena teng foo, mme re tlaa bona se se diragalang mo metsotsong e le mmalwa. Feta gone go ralala ka tsela *ena*, mokaulengwe; fa bana ba tlaa sutela fela morago koo.

¹⁶¹ Mme jaanong mpe bao ba ba tlang jaanong, ba tswelele ba tele thapelo, ba letleng ba feteng fa gare, fela fa lo ka kgona, gone fa gare fano.

...lefifi

O tlaa fetogela letsatsing le le phatsimang go
feta thata.

Fong a rotlhe re tseyeng bopelokgale,
Gonne ga re a tlogelwa re le nosi;
Mokoro wa thuso segautshwaneng o etla
Go phuthela Majwana a a tlhonegang gae.

Fong nametsega, mokaulengwe wa me,
nametsega, (Ao, nametsega!)

Diteko tsa rona segautshwaneng di tlaa bo di
fedile,

Ba ba ratiwang ba rona re tla ba kgatlhantsha,
ba kgatlhantsha,

Mo letshitshing la gouta.

Re basepedi ba sedumedi ebile re baeng fano,
Re senka Motsemogolo o o tlang,
Mokoro wa thuso segautshwaneng o etla
Go phuthela Majwana a a tlhonegang Gae.

Mokoro wa thuso segautshwaneng o etla
 Ka matlho a tumelo ke a bona
 Jaaka o anama go ralala metsi
 Go falotsa wena le nna,
 Mme o re fitlhise kwa bogorogelong
 Le ditsala re di ratang thata thata.
 “Ipaakanyeng,” go goa Moeteledi;
 Ao, lebang, one o batlide o le fano.

¹⁶² Elang tlhoko bomo ya athomiki, lo ka bolela gore yone e a goroga fano.

. . . ao, nametsegaa,
 Diteko tsa rona segautshwaneng di tlaa bo di fedile,
 Ba ba ratiwang ba rona re tla ba kgatlhantsha,
 ba kgathantsha,
 Mo letshitshing la gouta.
 Re basepedi ba sedumedi ebole re baeng fano,
 Re senka Motsemogolo o o tlang,
 Mokoro wa thuso segautshwaneng o etla,
 Go phuthela Majwana a a tlhogegang Gae.

¹⁶³ Jaanong, ditsala, badiredi bana ba tlaa phuthegela gaufi jaanong, gaufi thata golo fano. Ke tsena mo teng ke ela ditiragalo tsena tsa tshoganetso ba ba sa kgoneng go boa. Mme lebaka le re dirang sena, jaaka re dira bosigong jono, ke gore go na le tirelo ya kolobetso e e tlang fela mo metsotsong e le mmalwa. Mme tirelo e e latelang ya kolobetso e tlaa nna mosong wa Letsatsi la Tshipi, morago ga sekolo sa Letsatsi la Tshipi. Moo go tlaa re tlogelela bosigo jwa Lamatlhatso, bosigo jwa Labotlhano, le bosigo jwa Lamatlhatso, le bosigo jwa Letsatsi la Tshipi, go nna mola wa phodiso.

¹⁶⁴ Re batla go baya pholoso ya Modimo pele. Lo a bona? Phodiso e tlaa diragala. Ga re tshoge ka ga seo. Mme jalo he e tlaa diragala. Bosigong jwa maabane, Modimo ne a pholosa mewa ya botho e le ferabobedi e e rategang thata fano fa aletareng. Ao, ka foo ke neng ke itumetse go bona seo! Mme ga ke itse gore bana ba leng fa tikologong fano ke bomang. Bangwe ba bone ba ka tswa ba le baleofi, ba goa. Bangwe ba bone ba ka tswa ba senka Mowa o o Boitshepo.

¹⁶⁵ Fela jaanong ke a tsena. Mme mosadi wa me ko morago koo, moratiwa, go na le botlhe banna le basadi teng koo. Ke ile fela go bona se se tlaa diragalang. Ke tshepa gore bodiredi jo boša bo tlaa dirisiwa teng moo. Modimo o a itse gore ke boletse Lefoko go le boammaaruri fela jaaka ke go itse, mo Baebeleng. Go ntse jalo. Mme ke boela go bona se Modimo a tlaa se dirang.

¹⁶⁶ Jaanong, bosigong jwa ka moso, Morena fa a ratile ga re tle go nna le tirelo ya kolobetso, fa e se fa go le ga tshoganetso, mongwe a batla go kolobetswa. Fela ka bonako, mo metsotsong

e e latelang e le lesome kgotsa lesome le botlhano, tirelo ya kolobetso e tlaa bo e diragala.

¹⁶⁷ Mme fong, bosigong jwa ka moso, go tlaa nna le . . . ke batla go botsa mog- . . . ngwetsi ya me teng fano, (Mogokane? Huh!), ngwetsi ya me, fa a bone dikarata tsa thapelo, gompieno. Loyce, a o ne wa di bona? Ga a a ka a di bona. Sentle, re tlaa kwala dingwe. Re tlaa tsaya dingwe, ka tsela nngwe. Mme re tlaa dira, aba dikarata tsa thapelo, ka moso bosigo, Morena fa a ratile, mme re simolole mela ya rona ya thapelo e tle mo tikologong, mola o o tlwaelegileng wa thapelo, fa sengwe se sa diragale mo metsotsong e le mmalwa, mo kamoreng. Mme fong re tlaa bona. Bosigong jwa ka moso, Morena fa a ratile, re tlaa aba dikarata tsa thapelo, go sa le nako, ka moso bosigo, go ka nna nako ya borataro, ke a fopholetsa, kgotsa sengwe se se jalo, nako ya borataro kgotsa ya masome a mararo morago ga nako ya borataro, sengwe, bosigo jwa ka moso, gore batho ba kgone go bona karata ya thapelo mme ba tsene mo moleng.

¹⁶⁸ Jaanong, fela jaanong, ke batla motho mongwe le mongwe yo o ka kgonang, go nna mo thapelang ka thloafalo e kgolo. Ke batla lona badiredi lo nneng gautshwane le batho bana. Fela, Mokaulengwe Neville fano fa seraleng. Mme ke ile go rapelela balwetse. Morena a lo segofatse.

¹⁶⁹ Mme lona bakaulengwe jaanong tlayang gone gautshwane kwa batho bana ba leng teng jaanong. Tsamaelang kwano, bayang diatla mo go bone, mme a re nneng le thapelo, jaaka lo tsamaya tsamaya. Mongwe le mongwe wa bone nnang gone le bone jaanong, jaaka le tsena gone go dikologa. Phuthego yotlhe e e itseng go rapela, obamisang dithhogo tsa lona ko morago koo, mme lo nneng tota mo thapelang ko Modimong, gore Mowa o o Boitshepo o tlaa fologela mo go bana mme o ba tlatse ka Mowa o o Boitshepo; mme o tlaa dira methhoho mo kamoreng ena, go fodisa balwetsi le ba ba bogang.



*FELA GO TLOGA KWA TSHIMOLOGONG
GO NE GO SA NNA JALO TSW58-1002*
(But From The Beginning It Was Not So)

Molaêtsa o ka Mokaulengwe William Marrion Branham, o nê wa rêrwa la ntlha ka Sekgowa mo maitseboeng a Labonê, Phalane 2, 1958, kwa Motlaaganeng wa Branham ko Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org